



ხელშეკრულება სახელმწიფო შესყიდვის შესახებ N ელექტრონული ტენდერი - NAT

ქ. თბილისი

----- 2020 წელი

ერთის მხრივ, საქართველოს მთავრობის ადმინისტრაცია, წარმოდგენილი საქართველოს მთავრობის ადმინისტრაციის უფროსის ----- სახით (შემდგომში - „შემსყიდველი“) და მეორეს მხრივ ---- წარმოდგენილი დირექტორის ----- სახით (შემდგომში - „მიმწოდებელი“) „სახელმწიფო შესყიდვების შესახებ“ საქართველოს კანონის, „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული წესის 33-ე მუხლის და ელექტრონული ტენდერის აუქციონის გარეშე (NAT) საფუძველზე ვდებთ ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანს წარმოადგენს საქართველოს მთავრობის ადმინისტრაციის ბალანსზე რიცხული ავტოსატრანსპორტო საშუალებების ტექნიკური მომსახურებების შესყიდვა, რომელიც ასევე მოიცავს სათადარიგო ნაწილებით უზრუნველყოფას და საპოხი საშუალებების შეცვლა/შეკეთების მომსახურების გაწევას.

2. ხელშეკრულების საერთო ღირებულება

2.1. ხელშეკრულების საერთო ღირებულება შეადგენს ხელშეკრულების მოქმედების ვადებში, შემსყიდველის საჭიროებისამებრ, მიმწოდებლის მიერ გაწეულ მომსახურებათა ღირებულების ჯამს - ლარის ფარგლებში.

2.2. პრეისკურანტის ჯამური ღირებულება შეადგენს ----- ლარს.

2.2.1. ხელშეკრულების მოქმედების ფარგლებში გასაწევი მომსახურებისა და მომსახურების უზრუნველსაყოფად საჭირო სათადარიგო ნაწილების ერთეულის ღირებულებები დეტალურად ჩაშლილია სახელმწიფო შესყიდვების ერთიან ელექტრონულ სისტემაში წარმოდგენილ პრეისკურანტში - აღნიშნული პრეისკურანტი წარმოადგენს ხელშეკრულების განუყოფელ ნაწილს.

2.2.1.1. პრეისკურანტში მომსახურების/საქონლის რომელიმე ერთეულის არარსებობისას, აღნიშნული ობიექტის ერთეულის ფასი, მისი შესყიდვის აუცილებლობისას, დადგინდება შემსყიდველის და მიმწოდებლის შეთანხმებით, საბაზრო ფასის გათვალისწინებით. ასეთ შემთხვევაში პრეისკურანტში მომსახურების/საქონლის რომელიმე ერთეულის არარსებობით გამოწვეული შესყიდვის ხვედრითი წილი არ უნდა აღემატებოდეს პრეისკურანტის ჯამური ღირებულების 10%-ს.

2.3. 2.2 პუნქტში ფიქსირებული სახელმწიფო საერთო ღირებულება წარმოადგენს შემსყიდველისათვის ხელშეკრულების გაფორმებიდან 2020 წლის 31 დეკემბრის ჩათვლით საჭირო მომსახურებათა ჯამური ღირებულების საორიენტაციო მაჩვენებელს, შესაბამისად, ხელშეკრულების საფუძველზე შემსყიდველი ვალდებული არ არის სრულად მოახდინოს ხელშეკრულების საერთო ღირებულებაში ფიქსირებული თანხის ათვისება.

2.4. ხელშეკრულების საერთო ღირებულებაში შედის საქართველოს კანონმდებლობით გათვალისწინებული ყველა გადასახადი, რომლის გადახდა ეკისრება „მიმწოდებელს“.

3. მომსახურების გაწევის პირობები

3.1. მომსახურების გაწევა განხორციელდება ხელშეკრულების გაფორმებიდან 2020 წლის 31 დეკემბრის ჩათვლით.

3.2. მომსახურების გაწევის ადგილია სატენდერო წინადადებაში წარმოდგენილი მიმწოდებლის სერვის ცენტრები.

3.3. მომსახურების ფარგლებში შეცვლილი ნაწილები სავალდებულოა იყოს ახალი (არამეორადი). მეორადი ნაწილების გამოყენება შესაძლებელია მხოლოდ შემსყიდველთან წინასწარი წერილობითი შეთანხმებით, ნაწილის სპეციფიკიდან გამომდინარე.

3.4. მიმწოდებელი ვალდებულია, ავტომობილის მიყვანიდან უზრუნველყოს ხელშეკრულებით განსაზღვრული ავტომობილის შეკეთება და სათანადო მომსახურები გაწევა ტექნიკურ დავალებებში მითითებულ ვადებში.

3.5. მომსახურების გაწევის პროცესში მიმწოდებლის ბრალეულობით ავტოსატრანსპორტო საშუალებაზე მიყენებული ნებისმიერი ზიანის აღმოფხვრის ხარჯები უნდა ანაზღაურდეს მიმწოდებლის მიერ.

3.6. ხელშეკრულებით გათვალისწინებული მომსახურების და საგარანტიო ვადის პირობები განისაზღვრება ელექტრონული ტენდერის (NAT) სატენდერო დოკუმენტაციის მიხედვით, რომელიც წარმოადგენს ხელშეკრულების განუყოფელ ნაწილს.

4. მომსახურების მიღება-ჩაბარების წესი.

4.1. მომსახურების მიღება ფორმდება მიღება-ჩაბარების აქტით, რომელიც დასტურდება შემსყიდველისა და მიმწოდებლის მიერ შესაბამისი უფლებამოსილი წარმომადგენლების ხელმოწერებით.

4.2. შემსყიდველის მხრიდან ხელშეკრულების 5.1. პუნქტში აღნიშნული მიღება-ჩაბარების აქტის ხელმოწერაზე უფლებამოსილი პირია ეკონომიკური დაგეგმარების დეპარტამენტის სატრანსპორტო სამმართველოს ტრანსპორტის ჯგუფის უფროსი ედგარ ხაჩატუროვი და შესაბამისი ავტომანქანის მართვაზე უფლებამოსილი პირი, ხოლო მიმწოდებლის მხრიდან დირექტორი ან მის მიერ უფლებამოსილი პირი.

4.3. ავტოსატრანსპორტო საშუალებების სერვისცენტრში მიყვანისას, მხარეებს შორის ფორმდება დეფექტური აქტი, რომლის ხელმოწერაზე შემსყიდველის მხრიდან უფლებამოსილი პირია ეკონომიკური დაგეგმარების დეპარტამენტის სატრანსპორტო სამმართველოს ტრანსპორტის ჯგუფის უფროსი ედგარ ხაჩატუროვი და მიმწოდებლის მხრიდან დირექტორი ან მის მიერ უფლებამოსილი პირი. მიმწოდებლის წარმომადგენელი ვალდებულია მოაწეროს ხელი დეფექტურ აქტს. დეფექტური აქტი



მიმწოდებლის მიერ შედგენილ უნდა იქნეს ავტომობილის სერვის ცენტრში მიყვანიდან არაუგვიანეს ერთი დღის ვადაში. აღნიშნული ვადა შეიძლება გაგრძელდეს შემსყიდველთან შეთანხმებით, რისთვისაც აუცილებელია მიმწოდებლის დასაბუთებული წერილი (ვადის გაგრძელებაზე შემსყიდველის თანხმობა შესაძლებელია განხორციელდეს ელ. ფოსტაზე შეტყობინების გაგზავნის გზით).

5. ანგარიშსწორების პირობები

- 5.1. მიმწოდებელთან ანგარიშსწორება განხორციელდება ეროვნულ ვალუტაში.
- 5.2. ხელშეკრულებით განსაზღვრული მომსახურების ღირებულების ანაზღაურება მოხდება უნაღდო ანგარიშსწორების ფორმით.
- 5.3. ანგარიშსწორების განხორციელებისათვის მიმწოდებელმა უნდა წარადგინოს **მიღება-ჩაბარების აქტი, დეფექტური აქტი და საგადასახადო ანგარიშ-ფაქტურა.**
- 5.4. ანგარიშსწორება შემსყიდველის მიერ მოხდება მიმწოდებლის მიერ ამ ხელშეკრულების 5.3. პუნქტით განსაზღვრული დოკუმენტაციის წარდგენიდან **არაუგვიანეს 10 (ათი) სამუშაო დღის ვადაში.**
- 5.5. მომსახურების ანგარიშსწორების განხორციელებისათვის 5.3 პუნქტში მითითებული დოკუმენტაცია თუ არ წარუდგინა მიმწოდებელმა შემსყიდველს მიღება-ჩაბარების აქტის გაფორმებიდან 1 (ერთი) თვის ვადაში, აღნიშნული დროის გასვლის შემდეგ მიმწოდებელი კარგავს გაწეულ მომსახურებაზე თანხის მოთხოვნის უფლებას შემსყიდველისათვის დოკუმენტაციის 1 თვის ვადაში წარუდგენლობის გამო.

6. მხარეთა ვალდებულებები და უფლებები

- 6.1. შემსყიდველი ვალდებულია:
 - ა) მოახდინოს ანგარიშსწორება მიმწოდებელთან.
 - ბ) უზრუნველყოს გაწეული მომსახურების მიღება.
- 6.2. შემსყიდველს უფლება აქვს:
 - ა) შეამოწმოს ხელშეკრულებით განსაზღვრული მომსახურების ხარისხი და მოცულობა.
- 6.3. შემსყიდველი უფლებამოსილია:
 - ა) დააჯარიმოს მიმწოდებელი იმ შემთხვევაში თუ განფასების ცხრილში არ არსებულ მომსახურებაზე ან/და სათანადო ნაწილზე მიმწოდებელმა წარადგინა საბაზრო ღირებულებასთან შეუსაბამოდ მაღალი ფასი.
- 6.4. მიმწოდებელი ვალდებულია:
 - ა) დროულად და ხარისხიანად გასწიოს ტექნიკური დავალებით გათვალისწინებული მომსახურება;
 - ბ) მიმწოდებლის მიერ გაწეული მომსახურება უნდა იყოს მაღალი ხარისხის და უნაკლო;
 - გ) ხელშეკრულების პირობების შესრულების მიზნით ავტომობილის შეკეთებისას გამოიყენოს ხარისხიანი სათანადო ავტონაწილები;
 - დ) გააფრთხილოს შემსყიდველი, როდესაც არსებობს მისგან დამოუკიდებელი გარემოება, რომელიც საფრთხეს უქმნის ხელშეკრულებით განსაზღვრულ მომსახურების ხარისხს;
 - ე) საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის, ნაკლის აღმოფხვრა;
 - ვ) შემსყიდველს წარუდგინოს 5.3 პუნქტში მითითებული დოკუმენტაცია;
 - გ) ავტომობილის დატოვების შემთხვევაში, განათავსოს ისეთ ადგილას სადაც უზრუნველყოფილი იქნება მისი დაცვა და მეთვალყურეობა. მოთხოვნის შეუსრულებლობის შემთხვევაში, მიმწოდებელი პასუხს აგებს კანონმდებლობით დადგენილი წესით, დამდგარი ზიანის შესაბამისად.
- 6.5. მიმწოდებელს უფლება აქვს:
 - ა) მოთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით.

7. მხარეთა პასუხისმგებლობა ხელშეკრულების დარღვევისას

- 7.1. ტექნიკური დავალების/ხელშეკრულების პირობების არაჯეროვანი/უხარისხო შესრულების შემთხვევაში, მიმწოდებელს ეკისრება პირგასამტეხლო ხელშეკრულების **საერთო ღირებულების 4%-ის** ოდენობით.
- 7.2. ტექნიკური დავალებით/ხელშეკრულებით გათვალისწინებული ვადების დარღვევის შემთხვევაში მიმწოდებელს დაეკისრება პირგასამტეხლო **ყოველ ვადაგადაცილებულ დღეზე ხელშეკრულების საერთო ღირებულების 0,4% -ის** ოდენობით.
- 7.3. შემსყიდველი უფლებამოსილია ჩაატაროს ბაზრის კვლევა და 6.3 პუნქტით გათვალისწინებულ შემთხვევაში ფასთა შეუსაბამობის დადასტურებისას მიმწოდებელი თითოეულ შემთხვევაზე დააჯარიმოს ხელშეკრულების **საერთო ღირებულების 1%-ით.**
- 7.4. საგარანტიო პერიოდში შესყიდვის ობიექტზე აღმოჩენილი ნაკლის ან დეფექტის გამოსწორების ვადის (10 კალენდარული დღის) დარღვევის შემთხვევაში, მიმწოდებელს ეკისრება პირგასამტეხლო **ყოველ ვადაგადაცილებულ დღეზე ხელშეკრულების საერთო ღირებულების 0,3%-ის** ოდენობით.
- 7.5. საგარანტიო პერიოდში მიმწოდებლის მიერ სათანადო ნაწილის უხარისხობის გამო შეცვლის შემთხვევაში შემსყიდველი უფლებამოსილია დააჯარიმოს მიმწოდებელი შეკეთების და დაყენებული ნაწილის ღირებულების 50%-ის ოდენობით, ხოლო იმავე ნაწილის საგარანტიო პერიოდში განმეორებით შეცვლის შემთხვევაში - დააჯარიმოს მიმწოდებელი ხელშეკრულების **საერთო ღირებულების 1%-ის** ოდენობით.



7.6. ხელშეკრულებით აღებული ვალდებულების შეუსრულებლობისათვის მიმწოდებელს ეკისრება პირგასამტეხლო ხელშეკრულების **საერთო ღირებულების 10%-ის** ოდენობით.

7.7. გაწეული მომსახურებით მიყენებული ზიანისათვის პასუხისმგებლობა მიყენებულ ზიანზე სრულად ეკისრება მიმწოდებელს.

7.8. მიმწოდებლის უფლებამოსილი პირის მიერ დეფექტური აქტის შეუდგენლობის ან შედგენილი დეფექტური აქტის ხელმოწერაზე უარის თქმის შემთხვევაში, მიმწოდებელს დაეკისრება პირგასამტეხლოს გადახდა ხელშეკრულების **საერთო ღირებულების 0, 05%-ის** ოდენობით.

8. ხელშეკრულების პირობების გადასინჯვის შესაძლებლობა

8.1. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება წინამდებარე ხელშეკრულების ჯამური ღირებულება ან უარესდება წინამდებარე ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

8.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

9. დაუძლეველი ძალა (ფორს-მაჟორი)

9.1. მხარეები არ არიან პასუხისმგებელი თავიანთი ვალდებულების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ წინამდებარე ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

9.2. ფორს-მაჟორული გარემოებების დადგომის შემთხვევაში, ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს წინამდებარე ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

9.3. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

9.4. ფორს-მაჟორული გარემოების არსებობა დადასტურებული უნდა იყოს კომპეტენტური სახელმწიფო ორგანოს მიერ.

10. ხელშეკრულების ინსპექტირების პირობები

10.1. შემსყიდველი უფლებამოსილია განახორციელოს ინსპექტირება ხელშეკრულების მოქმედების პერიოდში ნებისმიერ დროს, ან შემდგომ, მათ შორის, განახორციელოს მიწოდებული საქონლის/მომსახურების ექსპერტიზა, მის მიერ შერჩეულ დამოუკიდებელ ექსპერტთან ან საექსპერტო დაწესებულებასთან.

10.2. ინსპექტირებისას ხილვადი დეფექტის, ნაკლის ასევე უზარისხო საქონლის/გაწეული მომსახურების აღმოჩენის შემთხვევაში, ინსპექტირების განმახორციელებელმა უნდა შეადგინოს ინსპექტირების აქტი და წარუდგინოს შემსყიდველს.

10.3. ვიზუალური დათვალიერების დროს, ხილვადი დეფექტის ან/და ნაკლის აღმოჩენის შემთხვევაში, შემსყიდველი ვალდებულია დაუყოვნებლივ წერილობით ან/და სატელეფონო შეტყობინებით (რაზედაც დგება შესაბამისი ოქმი) აცნობოს მიმწოდებელს აღმოჩენილი დეფექტის, ნაკლის შესახებ და მოსთხოვოს ნაკლის, დეფექტის გამოსწორება ან შეცვლა.

10.4. გამოვლენილი დეფექტის, ან ნაკლის აღმოფხვრასთან, ხელახალ ინსპექტირებასთან და ასევე ექსპერტიზის ჩატარებასთან დაკავშირებული ხარჯების ანაზღაურება ეკისრება მიმწოდებელს.

10.5. შემსყიდველის მხრიდან ხელშეკრულების შესრულების კონტროლს განახორციელებს - --.

11. ხელშეკრულების შეწყვეტა

11.1. შემსყიდველს შეუძლია მთლიანად ან ნაწილობრივ შეწყვიტოს წინამდებარე ხელშეკრულება მიმწოდებლისთვის ვალდებულების შეუსრულებლობის ან არაჯეროვნად შესრულების შესახებ წერილობითი შეტყობინების გაგზავნის შემდეგ, თუ:

ა) მიმწოდებელს ხელშეკრულებით გათვალისწინებულ ვადებში არ შეუძლია მთლიანად ან ნაწილობრივ ხელშეკრულებით ნაკისრი ვალდებულების შესრულება.

ბ) მიმწოდებელს არ შეუძლია ხელშეკრულებით გათვალისწინებული რომელიმე ვალდებულების შესრულება.

გ) მიმწოდებელი ხელშეკრულებით გათვალისწინებული პირობების დარღვევისათვის ხელშეკრულების მოქმედების პერიოდში დაჯარიმებულ იქნა სამჯერ.

დ) შემსყიდველისთვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულების შესრულებას.



ეხელშეკრულების ვადის გასვლის საფუძველზე.

11.2. ურთიერთშეთანხმების საფუძველზე.

11.3. ხელშეკრულების ცალკეული პირობების შეწყვეტა არ ათავისუფლებს მიმწოდებელს ხელშეკრულებით ნაკისრი სხვა ვალდებულების შესრულებისაგან.

12. დავები და მათი გადაწყვეტის წესი

12.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

12.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობით დადგენილი წესით.

მუხლი 13. ხელშეკრულების მოქმედების ვადა

13.1. წინამდებარე ხელშეკრულება ძალაშია 20120 წლის ---- და მოქმედებს 2021 წლის 28 თებერვლის ჩათვლით.

მუხლი 14. განსაკუთრებული პირობები

14.1. მხარეები თანხმდებიან, რომ ის ურთიერთობანი, რომელიც არ იქნა მოწესრიგებული წინამდებარე ხელშეკრულებით, რეგულირდება საქართველოს კანონმდებლობით;

14.2. ხელშეკრულება შედგენილია ქართულ ენაზე, 4 (ოთხი) გვერდზე, 1 ეგზემპლარად.

15. მხარეთა რეკვიზიტები

„შემსყიდველი“	„მიმწოდებელი“
---------------	---------------